

Guangjisi Minzcu Bau

ganhhau: CN45-0036 B.2017 Nd.12 Ng.13 liggaeuq dingyoux nienz ndwencib ngeihroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3303期

Gvangsij Sawcuengh Hagdangz Gvangsij Minzcu Cunghconh Gvangsij Minzcu Gauhcungh Guh Hozdung Geiqniemh 《Fueng'anq Sawcuengh》 Fatbouh 60 Hopbi

广西壮文学校 广西民族中等专业学校 广西民族高中举办系列
校园文化活动 纪念国务院颁布《壮文方案》60周年

Vih geiqniemh Gozvuyen fatbouh 《Fueng'anq Sawcuengh》 60 hopbi, Gvangsij Sawcuengh Hagdangz, Gvangsij Minzcu Cunghconh Conhyez Hagdangz, Gvangsij Minzcu Gauhcungh mboengq-neix guh buek hozdung ndawhag vwnzva, langhbaig gij cingzcik aen hagdangz neix 60 bi doxdaeuj haenqrengz guh hong Sawcuengh guh baenz haenx. Gij hozdung neix youz ndawhag aen cungsim vahsaw caeuq vwnzva Bouxcuengh guhdaez daeuj guh.

Youq gij hozdung neix, "Langhbaig gij cingzcik Sawcuengh sonhag yenzgiu", cujyau langhbaig gij cingzcik ndawhag lauxsae 60 bi doxdaeuj guh hong Sawcuengh sonhag yenzgiu aen ndaej, cujyau dwg gij cingzcik gyoengq lauxsae

sonhag Sawcuengh caeuq bienok sawson Sawcuengh, fanhoiz sawyw minzcu, aeu Vahcuengh hawj densi denying boiqyaem daengj fuengmienh aeu ndaej. "Lauxsae hagseng aeu Sawcuengh doxdax daeuj sij faenzcieng" dwg doenggvaq cungj fuengsik aeu Sawcuengh sij faenzcieng, gangj ok gij goj mizyinx gyoengq lauxsae caeuq hagseng ngoenznaengz hag yungh Sawcuengh. "Doxdax aeu yaembiucinj Vahcuengh daeuj gangj goj" doenggvaq gyoengq senjsouj aeu Vahcuengh biucinj youq gwnz daizheiq lumjlili dwk gangj goj, hawj hagseng miz cungj naengzlig gangj vahyaem Vahcuengh byauhcuinj gangj ndaej engq raeuzred. "Aen gyangjico minzcu vwnzva ndawhag" cix doenggvaq cingj boux gyausou

daeuj ndawhag guh gyangjico, hawj lauxsae hagseng engq ndei rox daengz dangqnaig gij cwngcwz vahsaw minzcu dangj raeuz guk raeuz, gij saedsaeh yiyei cauhyuh Sawcuengh caeuq yungh Sawcuengh. "Aen vwnzyi vanjvei vahsaw Cuengh Gun" dwg doenggvaq gij yisuz hingzsi caen da yawj raen hawj gyoengq lauxsae hagseng roxyinh daengz gij goengnaengz daegbied Sawcuengh youq ndaw swngghoz. Doenggvaq doenghgij hozdung neix, hawj daihgya engq cienzmienh roxyiuj gij lizsij Sawcuengh fazcanj, haigvangq gij cihsiz siyej gyoengq lauxsae hagseng, hawj sevei gak gyaiq engq ndei daeuj liujgaij dangqnaig gij sevei cozyung Sawcuengh miz cozyung haemq ndei.

(Dwngz Mingzsinh/滕明新)

SIUSIK DINJ

简讯

● Vih doeksaed ndei vwnzva leihminz gunghcwngz, fungfouq gij saedcej vwnzva seizhoengq vunzlai lajmbanj, bineix daeuj, Denzyangz Yen Minzyijban caeuq denying gunghswd doxgap, youq 10 aen yanghcin 85 aen hingzcwngcunh aen yienh neix cunzdauq cuengqingj, cuengqingj gij yingiben gyaez guk cujyi gyauyuz, fapldw fapgvi, nungzyez gisuz, fuengz deng caeg ciengzsiik daengj fuengmienh daezcaiz. Daengz seizneix, aen yienh neix gaeng cuengqingj denying Vahcuengh 90 ciengz, bouxyawj daih'iek 2 fanh boux.

(Vangz Veihanz)

● Bineix daeuj, Dwzbauj Yen hopheux "canjnieb ndaw mbanj cienzbouh cwgoemq, cizdij ndaw mbanj miz souhaeuj, ranzungzhoh ndaej ndeicawq" moegbiu, damqra "saeddaej daiqdoengh" vunqsik hwngfat ginghci lajmbanj, ciuq dieg bae ndaem makdoengj, gonengznuengx daengj "haj aen cib fanh" gunghcwngz canjnieb caeuq gizyazw "dinj bingz vaiq" canjnieb hanghmoeg, guhbaenz "it mbanj it yiengh", "it mbanj lai yiengh" canjnieb gwzgiz, hawj ginghci lajmbanj hwngfat.

(Cinz Yinzbauj Nungz Cinvanh)

● Geij bi neix daeuj, Dasinh Yen genhciz gyauyuz ciemqgonq hwngfat leixniemh, mboujduenh gyalai gyauyuz cuengqhaeuj ligdoh, dieg henzguk gak loih gyauyuz ndaej daengz riengjvaiq cangqheiq hwngfat, aen yienh neix yaek laebdaeb gyalai cungh siujyoz gyauyuz swhyenz cingjhab ligdoh, ciemqgonq anbaiz gizdieg yivu gyauyuz swhyenz, doeksaed aen gihei ciengzgeiz mizyauq yivu gyauyuz bingzyaenz hwngfat, mboujduenh hawj vunzlai ndaej habhoz doiq gij aeuyungh gyauyuz maenhndei haenx.

(Luz Boh'an)

● Daj aen hozdung senhgyangj gij cingsaenz Cibgouj Daih dangj hainduj doxdaeuj, Denzlinz Yen Luzlungz Cin giethab vunzlai dangdieg maij Heiqcuengh aen daegdiemj neix haiguh senhgyangj hozdung. Aen cin neix cujci 18 aen cujguhong senhconz bae daengz 18 aen cunh diegguenjleix, yungh gij vah vunzlai sugrox haenx aeu senhgyangj neiyungz bien hauej Heiqcuengh bae, bae mbanj, segih, hagdangz, giyez haiguh senhgyangj hozdung, caeuq gyoengq ganbu vunzlai gihcwngz doxyau, hawj caezgya dingq rox, ndaej roxyiuj, ndaej doeksaed.

(Yangz Cinghyinz)

Lungzswng: Vwnzva Minzcu Haeuj Youwzyenz 龙胜:民族文化进幼儿园

Ndwen 12 ngoenz 8, Lungzswng Gak Cuz Swciyen Youwzyenz banh aen cawjdaez hozdung "son'gyauq vwnzva minzcu", gyoengq lwgnyez ndang daenj buhvaq Myauz, Yauz, Dung, Cuengh daengj haiguh dwkgyangq, foux lungzfiengz, ciengq donzgo daengj hozdung, ciengqgo diuqfoux hag yungh gij vwnzva conzduing minzcu. Ndaw doz dwg lwgnyez cingq dwkgyangq.

(Vangz Yungjdanh/黄勇丹)

Bingzsiengz Si Gaiq Daih'it Cungh Siujhagseng Doxdax Gangj Gojgaeq Vahcuengh Banh Baenz

凭祥市第一届中小学生壮语故事比赛成功举办

Vih geiqniemh Gozvuyen fatbouh 《Fueng'anq Sawcuengh》 60 hopbi, doicaenh vwnzva minzcu haeuj hagdangz, baij gij cingzcik ronghsag caeuq gij bienqvaq hungloet gaijgwz hailangh ca mbouj geijlai 40 bi daeuj ginghci hwngfat, ndawbiengz cinbu, minzcu doxgiat, cienzswnj vwnzva minzcu daengj dieg minzcu Bingzsiengz. Ndwen 12 ngoenz 8 banhaet, Bingzsiengz Si gaiq daih'it cungh siujhagseng doxdax gangj gojgaeq Vahcuengh youz Bingzsiengz Si Minzyijban caeuq Minzcuigiz, Gyauyuzgiz, Bingzsiengz Si Daih'it Cunghyoz doengz-

caez banh haenx youq Bingzsiengz Si banh. 18 boux cungh siujhagseng daj gak aen cungh siuj hagdangz Bingzsiengz Si leh okdaeuj haenx camgya doxdax.

Doxdax seiz, gyoengq hagseng yungh Vahcuengh biucinj gangj gij gojgaeq ndei cienzswnj vwnzva minzcu caeuq fatseng youq mbanjranz, hagdangz bonjfaenh haenx, danqhaenh gij saehsaed hawj vunz gamjdoengh dieg minzcu henzguk okyienh caeuq gij bienqvaq hungloet, hawj bouxyawj yienhciengz roxyiuj le gij vwnzva minzcu, vunzmoq, saehmoq caeuq bienqvaq

moq dieg Bouxcuengh.

Ginggvaq doxdax, doeklaeng bingz ok hagseng caeuq lauxsae sonyinx gak it daengj ciengj 2 boux, ngeih daengj ciengj 3 boux, sam daengj ciengj 5 boux, youhsiu ciengj 8 boux. Doenggvaq baez yienjgangj doxdax hozdung neix, gikfat gij yiedcingz bouxcoz nyezrauh hag Vahcuengh caeuq gangj Vahcuengh, coicaenh cienzswnj caeuq hwngfat song saw vah sonhag caeuq vwnzva minzcu, dwg aen haidaeuz ndei Bingzsiengz hawj vwnzva minzcu haeuj hagdangz.

(Vangz Meijcinh/黄美珍)